

平江府妙淨寺北丘尼道場施財量珍寶文入延聖院刊造
大華亭縣崇實鄉于集居奉
施弟子沈伯達施財伍貞文添造此經所集功德上營
恩下資三有願心國滿者

浴像功德經

唐三歲法師義淨奉詔譯
如是我聞一時薄伽梵在王舍城鷲峯山頂
與大苾芻衆千二百五十人俱復有無量無

邊大菩薩衆天龍八部悉皆雲集尔時清淨
慧菩薩在衆中坐爲欲愍念諸有情故作是
思惟諸佛如來以何因緣得清淨身相好具
足復作是念諸衆生類得值如來親近供養
所獲福報無量無邊未知如來般涅槃後所
有衆生作何供養修何功德令彼善根速能
究竟無上菩提作是念已即從座起偏袒右
肩頂禮佛足長跪合掌白佛言世尊我欲請
問願垂聽許佛言善男子隨汝所問我當爲
說尔時清淨慧菩薩白佛言諸佛如來應正
等覺以何因緣得清淨身相好具足又諸衆
生得值如來親近供養所獲福報無量無邊

未審如來般涅槃後所有衆生作何供養修
何功德令彼善根速能究竟無上菩提
爾時世尊告清淨慧菩薩言善哉善哉汝能
爲彼未來衆生發如是問汝今諦聽善思念
之如說修行吾當爲汝分別解說清淨慧菩
薩言唯然世尊願樂欲聞

五

齋同

五

佛告清淨慧菩薩言善男子應知布施持戒
忍辱精進靜慮智慧慈悲喜捨解脫解脫知
見力無所畏一切佛法一切種智善清淨故
如來清淨若於如是諸佛如來以清淨心種
種供養香花瓊瑤幡蓋敷具布在佛前種種
嚴飾上妙香水澡浴尊儀燒香普熏運心法
界復以飲食鼓樂弦歌讚詠如來不共功德
發殊勝願迴向無上一切智海所生功德無
量無邊乃至菩提常令相續所以者何如來
福智不可思議無數無等善男子諸佛世尊
具有三身謂法身受用身化身我涅槃後欲
供養此三身者當供養舍利然有一種一者

身骨舍利二者法頌舍利即說頌曰
諸法從緣起如來說是因彼法因緣盡
是大法門說

若男子女人苾芻五衆應造佛像若無力者
下至大如麪麥造窣覩波形如棗許刹竿如
針蓋如麩片舍利如芥子或寫法頌安置其中
如上珍奇而爲供養隨已力能至誠殷重
如我現身等無有異善男子若有衆生能作
如是勝供養者成就十五殊勝功德而自莊
嚴一者常有慚愧二者發淨信心三者其心
質直四者親近善友五者入無漏慧六者當
見諸佛七者恒持正法八者能如說行九者
隨意當生淨佛國土十者若生人中大姓尊
貴中所敬奉生歡喜心十一者生在人中自
然念佛十二者諸魔軍衆不能損惱十三者
能於末世護持正法十四者十方諸佛之所
加護十五者速得成就五分法身余時世尊
即說頌曰

我般涅槃後能供養舍利或造窣覩波
及以如來像於彼像塔處塗拭曼茶羅
以種種香花散布於其上以淨妙香水
灌沐於像身上味諸飲食盡持以供養
讚歎如來德無量難思議方便智神通
速至^次彼岸獲得金剛身具三十二相

八十隨形好濟度諸群生

余時清淨慧菩薩聞是頌已白佛言未來衆
生云何浴像佛告清淨慧菩薩言汝等當於
如來起正念心勿著二邊迷於空有於諸善
品渴仰無厭三解脫門善修智慧常求出離
勿住生死於諸衆生起大慈悲願得速成三
種身故善男子我已爲汝說四真諦十二緣
生六波羅密今更爲汝及諸國王王子大臣
後宮妃后天龍人鬼說浴像法諸供養中最
爲第一勝以恒河沙等七寶布施若浴像時
應以牛頭栴檀白檀紫檀沉水熏陸鬱金香
龍腦香零陵薰香等於淨石上磨作香泥用

爲香水置淨器中於清淨處以好土作壇或
方或圓隨時大小上置浴牀中安佛像灌以
香湯淨潔洗沐重澆清水所用之水皆須淨
灑勿使損虫其浴像水兩指灑取安自頂上
名吉祥水瀉於淨地莫令足蹠以細軟巾拭
像令淨燒諸名香周遍香馥安置本處善男

子由作如是浴佛像故能令汝等人天大衆
現受富樂無病延年於所願求無不遂意親
友眷屬悉皆安隱長辭八難永出苦源不受
女身速成正覺既安置已更燒諸香親對像
前虔誠合掌而說讚曰

我今灌沐諸如來

報恩同

智淨功德莊嚴聚

七

願彼五濁衆生類
戒定慧解知見香
願此香煙亦如是
亦願三塗苦輪息
皆發無上菩提心
佛說此經已是時衆中有無量無邊菩薩得

無垢三昧無量諸天得不退智諸聲聞衆願
求佛果八万四千衆生皆發阿耨多羅三藐
三菩提心

余時清淨慧菩薩白佛言世尊幸蒙大師哀
愍我等教浴像法我今勸化國王大臣一切
信心樂功德者於日日中澡沐尊儀獲大利

益常當頂受歡喜奉行

浴像功德經

華亭縣新江鄉算山橫浦東水北居住奉
恭敬聖流助刊 父像功德經一卷所集
唐道者陶普覺捨財施食與胡不淨施財壹員貞文又崇德縣積善鄉人風
雲居住奉 佛弟子陳俱家眷等施財伍員文添助丁辨此經名廣願心願滿者

佛說校量數珠功德經

唐迦濕密羅國三藏寶思惟於福先寺譯

速證如來淨法身
遍十方刹常芬馥
無量無邊作佛事
悉令除熱得清涼
永出愛河登彼岸
若有誦念諸陀羅尼及佛名者爲欲自利及
護他人速求諸法得成驗者其數珠法應有
如是湏當受持若用鐵爲數珠者誦掐一編